

Амал қилиш соҳаси

3. Мазкур стандарт хўжалик юритувчи субъектлар томонидан молиявий инвестицияларни бухгалтерия ҳисобида ва улар тўғрисидаги ахборотларни ёритиб бериш учун қўлланилиши лозим.

4. Хўжалик юритувчи субъект молиявий инвестицияларни мазкур стандартнинг [7 — 28-бандларида](#) баён қилинган тартибга мувофиқ юритади ва улар қуйидаги масалаларни ўз ичига олади:

4.1. Молиявий инвестицияларни (қисқа муддатли ва узок муддатли) тоифаларига қараб таснифлаш;

4.2. Молиявий инвестициялар қийматини аниқлаш ва уларни молиявий ҳисоботларда акс эттириш;

4.3. Молиявий инвестицияларни бир тоифадан бошқасига ўтказиш;

4.4. Молиявий инвестициялар қийматининг қайтарилмайдиган пасайиши.

5. Мазкур стандартда қуйидагилар кўриб чиқилмайди:

5.1. Фоизлар, роялти, дивидендлар ва ижара ҳақи шаклидаги инвестициялар бўйича олинган даромадларни тан олиш асослари (БҲМС «Асосий хўжалик фаолиятидан олинган даромадлар» га ва [БҲМС](#) «Лизинг ҳисоби» га қаранг);

5.2. Шўъба жамиятларга инвестициялар ([БҲМС](#) «Консолидациялашган молиявий ҳисоботлар ва шўъба жамиятларга инвестицияларни ҳисобга олиш» га қаранг);

5.3. Биргаликда фаолиятга инвестициялар (БХМС «Биргаликда фаолиятдаги иштирок улушини молиявий ҳисоботда акс эттиришга» қаранг);

5.4. Гудвилл, патентлар, савдо маркалари ва шунга ўхшаш бошқа номоддий активлар;

5.5. БХМС «Лизинг ҳисоби» да келтирилган таърифга мос келадиган молиявий лизинг.